



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՎԱՐՉԱԿԱՆ ԱԿՏ N 1516594
ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ**

13 մայիսի 2022թ.

ք. Երևան
(կազմման վայրը)

Ակտի հասցեատեր

Ա/Ձ Դավիթ Բադալյան

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

7	1	7	0	8	2	4	6
---	---	---	---	---	---	---	---

(հարկ վճարողի հաշվառման համարը՝ ՀՎՀՀ Ա)

ՀՀ, Տավուշի մարզ, ք. Բերդ, Աբովյան փ. 15

(անհատ ձեռնարկատիրոջ հաշվառման հասցեն կամ իրավաբանական անձի գրանցվելու վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 19.04.2022թ. թիվ 1516594 որոշման համաձայն Ա/Ձ Դավիթ Բադալյանի նկատմամբ իրականացվել են օպերատիվ - հետախուզական միջոցառումներ (այսուհետ՝ ՕՀՄ):

Իրականացված ՕՀՄ-ի շրջանակներում պարզվել է, որ 20.04.2022թ. 16:30-ին Ա/Ձ Դավիթ Բադալյանի «Հոնդայի» մակնիշի 81 LX 008 պետհամարանիշի բեռնատար մեքենայով (վարորդ՝ Անդրանիկ Մկրտչյան) Բերդ քաղաքից իրականացրել է ընդհանուր 880 000 ՀՀ դրամ արժողությամբ 8 հատ ն/օ մուտքի դռան, 10 հատ ձեռքի էլեկտրական գործիքների, 520 կգ պեթ ցանցերի, 625 կգ դռների օժանդակ մասերի, 180 կգ սանտեխնիկայի տեղափոխություն դեպի ք. Երևան՝ առանց համապատասխան ուղեկցող փաստաթղթի:

ՀՀ ՊԵԿ տեղեկատվական բազայի ուսումնասիրությամբ պարզվել է, որ 20.04.2022թ. ընդհանուր 888 000 ՀՀ դրամ արժողությամբ ապրանքների տեղափոխման համար Ա/Ձ Դավիթ Բադալյանի կողմից դուրս գրված չի եղել համապատասխան ուղեկցող փաստաթուղթ:

Վերոգրյալը հաստատվել է Դավիթ Բադալյանի և իր վարորդ Անդրանիկ Մկրտչյանի կողմից 20.04.2022թ. տրված գրավոր հայտարարություններով:

Թիվ 1516594 արձանագրությամբ 21.04.2022թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել 13.05.2022թ. նշանակված վարչական վարույթի լուսններին: Գործում առկա չեն լրացուցիչ ապացույցներ, չեն ներկայացվել միջնորդություններ:

Այսպիսով, Ա/Ձ Դավիթ Բադալյանի կողմից խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտաբժույթի) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ հարկային օրենսգրքի 410-րդ հոդվածի 1-ին մասի 1-ին կետով, ըստ որի «Օպերատիվ-հետախուզական գործունեության մասին» ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուղեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ գանձվում է տուգանք այդ ապրանքի գնի (արժեքի) 50 տոկոսի չափով, բայց ոչ պակաս 200 հազար դրամից:

Տվյալ դեպքում Ա/Ձ Դավիթ Բադալյանի կողմից խախտումը վերջին 1 տարվա ընթացքում կատարվում է առաջին անգամ: Ապրանքների ընդհանուր գումարը կազմել 880 000 ՀՀ դրամ, որի 50 տոկոսը կազմում է 440 000 ՀՀ դրամ, ուստի օրենսդրական պահանջից ելնելով Ա/Ձ Դավիթ Բադալյանի նկատմամբ կիրառելի է 440 000 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

1. Հաշվարկել և Ա/Ձ Դավիթ Բադալյանին գանձման առաջադրել 440 000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածով սահմանված տուգանք ընդամենը, որից՝	440 000	պետական բյուջե	900008000490

2.Ընդունելի գիտություն՝

- 1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:
- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնավար անձի
պաշտոնը, անունը և ազգանունը



ստորագրությունը

Կ.Տ.

Ստացա ակտի մեկ օրինակը

ընդամենը 3 էջ

Ա/Զ Դավիթ Բադալյան

Ֆիզիկական անձի անունը, ազգանունը
(անհատ ձեռնարկաբիրից դեպքում՝ անհատ
ձեռնարկաբեր նշումով) իրավաբանական անձի գործադիր
մարմնի ղեկավար (գրագրության ընդունման համար
պարասխտանագրու անձ՝ հսկուկ առաքման դեպքում)

ստորագրությունը

2022թ.

(նշում ակտը ստորագրելուց և (կամ) ստանալուց հրաժարվելու մասին)